

3. Денов туман “Denov suv taminoti qurilish va tamirlash” МЧЖнинг бизнес режасидан кўзланган асосий мақсади.

Ўзбекистон Республикасини 2019-2025 йилларда ижтимоий-иқтисодий ривожлантириш бўйича ҳаракатлар стратегиясининг 3.4-бандидаги устувор вазифалардан бири сифатида белгиланган давлат-хусусий шерикчиликни кенгайтириш, Ўзбекистон Республикаси Вазирлар Маҳкамасининг 2017 йил 2 июндаги 340-сонли “Ўзбекистон Республикаси Уй-жой коммунал хизмат кўрсатиш вазирлиги, кўп хонадонли уй-жой фондидан фойдаланишни назорат қилиш инспекцияси ҳамда “Коммунхизмат” агентлиги тўғрисидаги Низомларни тасдиқлаш ҳақида”ги қарори 1-илоvasи 10-бандида ҳамкорликнинг турли шакллари, чунончи, давлат-хусусий шерикчилик фаолиятдан фойдаланган ҳолда, янги бошқарув услубларини ишлаб чиқиш ва уй-жой коммунал хизмат кўрсатиш тизимига, хусусан, ичимлик суви таъминоти ва канализация соҳасига, шу жумладан, қишлоқ жойларда жорий этилишни таъминлаш вазифаси вазирликка юклатилганлиги, аҳолининг сифатли ичимлик сув хизматлари билан таъминланганлиги даражасини янада ошириш, тадбиркорлик субъектларини муҳандислик-коммуникация тармоқларига “фойдаланишга тайёр” шартларида улаш тизимини соддалаштириш мақсадида 2021-2025 йилларда бир қатор ишларни амалга оширишни режалаштирмоқда.

Ушбу лойиҳанинг асосий мақсади Жамиятнинг ишлаб чиқариш, молиявий, меҳнат ва мавжуд бошқа барча ресурсларини юқори фойда олишга йўналтирилган ҳолда жамият фаолиятининг самарадорлигини ва унинг молиявий барқарорлигини таъминлашдан иборатдир.

Юқори фойдага эришиш жамият томонидан кўрсатилаётган хизматлар ҳажми ва сифатини ошириш, унинг таннархини пасайтириш, тармоқдаги табиий йўқотишлар даражасини камайтириш, фаолиятга энергия тежовчи технологияларни жалб қилиш ҳамда сув сотиш потенциаллари ўсишини рағбатлантириш асосида амалга ошириш ва қўшимча янги иш ўринларини яратишдан иборатдир.

4. Денов туманининг қишлоқ ҳудудлари бўйича сув таъминотида асосий (долзарб) муаммолар.

❖ Ҳудудлардаги мавжуд сув иншоотлардаги сув кўтариш насослари хизмат муддатини тўлиқ ўтаб бўлганлиги, ҳозирги талабларга жавоб бермаслиги ва электр энергияни ортиқча сарфланиши;

❖ Мавжуд ичимлик суви тармоқлари ўтган асрнинг 80-90-йилларида қурилганлиги ва ҳозирда муддати ўтганлиги ҳамда яроқсиз келганлиги сабабли белгиланган нормадан ортиқ сувни йўқотилиши;